

INUIT ATAQATIGIIT INATSISARTUNI



UPA2023/68&69
2. maj 2023
Mikivsuk Thomassen

Naalagaaffiit Peqatigiit Meeqqat pisinnaatitaaffii pillugit isumaqatigiissutaata malinneqarnissaanut iliuusissatut pilersaarummik 2023-mit 2030-mut atuuttussamik nutaamik Naalakkersuisut suliaqaqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Eqaluk Høegh, Inuit Ataqatigiit)

Nunatsinni meeqqat inuusuttullu kommunini tamani suliassanngortitat annertuumik navianartorsiortut nalunaarsorneqarsimallutik inissimasut kiisalu meeqqat inuusuttullu pillugit suliat suliarineqarsimangitsut pillugit kommunit peqatigalugit Naalakkersuisut immikkut annertusisamik iliuseqarnissaannik peqquneqarnissaannut Inatsisartut aalajangiiffigisassattut siunnersuut.

(Inatsisatunut ilaasortat, Eqaluk Høegh, Inuit Ataqatigiit)

Nalaagaaffiit peqatigiit meeqqat pisinnaatitaaffiinnut tunngatillugu suliaqartarnerat isumaqatigiissutillu eqquutinneqarnissaannut suliniutit ersarissuunissaat pingaaruteqartoq naqissuserusuppara. Siunnersuuteqartumut qjavunga suliassap pingaaruteqassusaa naqissuseqqikkakku, suliassarlu pitsaasumik suliarineqassappat annertunerusumik peqataatsitisoqarnissaa takussutissiivoq.

Nunap inui peqataatinneqarnissaat pingaaruteqarluinnartooq Inuit Ataqatigiinniit naqissuserusupparput taakuummata iliuusissami pilersaarummi peqataatinneqaluinnarnissaat.

MIO-p oqariartuutiginikuuvaa nunarput tamaat isigalugu iliuusissamik pilersaarusernermi attuumassuteqartut tamaasa peqataatinneqartariaqartut tamannalu takuneqasinnaavoq killilimmik peqataatsitisoqarsimasooq, tamannalu isumaqarfigaarput pitsaanagerusumik peqataatsitisoqarsimanginnginnerata kinguneranik pitsaasumik suliassaq kiveqarsimangitsoq soorunami tamanna ugguarnarpoq, Naalakkersuisut kaammattorumavakka suliaq una pitsaasumik inerineqassappat attuumassuteqarsinnaasut tamaasa suleqatigineqartariaqartut, kiisalu inuiaat peqataatinneqarnissaat.

INUIT ATAQATIGIIT INATSIARTUNI



Nunatsinni Meeqqat Inuusuttuaqqanullu tunngasut tamani suliassanngortsinneqarsimasut nunarput tamaat, annertuumik suliassaqartoqarnera takuneqarsinnaavoq, tamannalu soorunami ajuusaarnarpoq, piffissaq annertoq atorlugu sullissinerit ingerlanneqartarsimanerat arajutsineqarsinnaanngilaq, tamannalu soorunami ilaqutariinnut sunniuteqarsinnaanera takuneqarsinnaavoq, siusissukkut suliutit aallartsinneqartarsinnaanerat pingaaruteqartuuvog.

Ilisimareerparput sulusussatigut ajornartorsiuteqartoqartoq, assigiinngitsutigullu ajornartorsiuteqartoqartoq, unammilligassalli amerliartortsillugit annertusiartuinnarparput Meeqqanut Inuusuttuaqqanullu sullissiniarnerit sularineqartsinnagit ilungersunarnerupput; kommuunnit toqqaannartumik innuttaasut sullissisuunerat suleqatigineqartariaqartut oqaatigerusuppara.

Sulissussatigillu ajornartorsiutit iliuseqarfigineqassappata Naalakkersuisut qulakkeerinneqataanissaat avaqqunneqarsinnaanngitsoq Inuit Ataqatigiinniit isumaqarput.

Inuit Ataqatigiinniit isumaqarpugut Meeqqat Inuusuttuaqqallu ilaqutariillu siusissukkut iliuseqarfigineqartarnerat tamatta peqataaffigisariaqaripput, partiilersuunneqarsinnaanngitsut isumaqarluinnarpunga, Nunatsinni inoqarfiit avinngarusimasorujussuupput taakkuupput aamma peqataatsinneqarnerusariaqartut isumaasalu tusarnaartuarnissaat aamma pingaaruteqarluni,

Inoqarfiit Nunaqarfiillu ulluinnarni assigiinngitsunik inooriaaseqarnerat ataqqisassaavoq isumaallu tusarnaartuarnissaat pingaaruteqarluinnarlutik, peqataatsitinngikkaangatta inoqarfinnut qanoq sunniuteqarsinnaanera takuneqarsinnaasarpoq, allaat sullissinikkut pitsaanngitsumik kinguneqarsinnaasartoq takusinnaavara, assigiinngitsutigut aaqqiissuteqartoqarsimagaangat kingulliullutik paasissutissat anngunneqartarneri malugilluarsinnaavara tamannalu pitsaasumik sunniuteqassappat qulaani taariikkakka takuneqasinnaapput.

Naalakkersuisut peqatiseraassi suliassat ukua marluusut pillugit nunap inui peqataatillugit attuumassuteqarsinnaasullu tamaasa suleqatigineqarluassasut.

Taamatut oqaaseqarluta siunnersuutigineqartut taperpagut.

Inuit Ataqatigiinniit Ilaqutariinnermut Peqqissutsimullu Ataatsimiititaliamut ingerlateqqikkatsigu.